

大忏悔文

大慈大悲悯众生，大喜大舍济含识，相好光明以自严，众等至心皈命礼。

南无皈依十方，尽虚空界，一切诸佛；南无皈依十方，尽虚空界，一切尊法；南无皈依十方，尽虚空界，一切贤圣僧。

南无·如来·应供·正遍知·明行足·善逝世间解·无上士·调御丈夫·天人师·佛·世尊

南无普光佛·南无普明佛·南无普净佛·南无多摩罗跋栴檀香佛·南无栴檀光佛·南无摩尼幢佛·南无欢喜藏摩尼宝积佛·南无一切世间乐见上大精进佛·南无摩尼幢灯光佛·南无慧炬照佛

南无海德光明佛·南无金刚牢强普散金光佛·南无大强精进勇猛佛·南无大悲光佛·南无慈力王佛·南无慈藏佛·南无栴檀窟庄严胜佛·南无贤善首佛·南无善意佛·南无广庄严王佛

南无金华光佛·南无宝盖照空自在力王佛·南无虚空宝华光佛·南无琉璃庄严王佛·南无普现色身光佛·南无不动智光佛·南无降伏众魔王佛·南无才光明佛·南无智慧胜佛

南无弥勒仙光佛·南无善寂月音妙尊智王佛·南无世净光佛·南无龙种上尊王佛·南无日月光佛·南无日月珠光佛·南无慧幢胜王佛·南无狮子吼自在力王佛·南无妙音胜佛

南無常光幢佛·南無观世灯佛·南無慧威灯王佛·南無法胜王佛·南無须弥光佛·南無须曼那华光佛·南無优坛鉢罗华殊胜王佛·南無大慧力王佛·南無阿閼毘欢喜光佛

南無无量音声王佛·南無才光佛·南無金海光佛·南無山海慧自在通王佛·南無大通光佛·南無一切法常满王佛·南無释迦牟尼佛·南無金刚不坏佛·南無宝光佛·南無龙尊王佛

南無精进军佛·南無精进喜佛·南無宝火佛·南無宝月光佛·南無现无愚佛·南無宝月佛·南無无垢佛·南無离垢佛·南無勇施佛·南無清静佛·南無清静施佛·南無娑留那佛

南無水天佛·南無坚德佛·南無栴檀功德佛·南無无量拘光佛·南無光德佛·南無无忧德佛·南無那罗延佛·南無功德华佛·南無莲花光游戏神通佛·南無财功德佛·南無德念佛

南無善名称功德佛·南無红燄帝幢王佛·南無善遊步功德佛·南無斗战胜佛·南無善遊步佛·南無周匝庄严功德佛·南無宝华遊步佛·南無宝莲华善住娑罗树王佛·南無法界藏身阿弥陀佛

如是等一切世界，诸佛世尊，常住在世。是诸世尊，当慈念我。若我此生，若我前生，从无始生死以來，所做众罪。若自作，若教他作，见作随喜。

若塔若僧，若四方僧物。若自取，若教他取，见取随喜。

五无间罪，若自作，若教他作，见作随喜。十不善道，若自作，若教他作，见作随喜。所作罪障，或有覆藏，或不覆藏。

应堕地狱，恶鬼畜生，诸余恶趣，边地下贱，及蔑戾車，如是等处。所作罪障，今皆忏悔。

今诸佛世尊，当证知我，当忆念我。我复于诸佛世尊前，作如是言。若我此生，若我余生。曾行布施或守净戒，乃至施与畜生一抔之食。或修净行所有善根。成就众生，所有善根。修行菩提，所有善根。

及无上智，所有善根。一切合集，校計筹量。皆悉回向，阿耨多羅三藐三菩提，如过去未来，現在诸佛，所作回向，我亦如是回向。

众罪皆忏悔·诸福尽随喜·及请佛功德·愿成无上智·去来现在佛·於众生最胜·无量功德海·我今皈命礼

所有十方世界中·三世一切人师子

我以清净身语意·一切遍礼尽无余·普贤行愿威神力·普现一切如来前·一身复现刹尘身·一一遍礼刹尘佛·於一尘中尘数佛·各处菩萨众会中

无尽法界尘亦然·深信诸佛皆充满·各以一切音声海·普出无尽妙言辞·尽于未来一切劫·赞佛甚深功德海·以诸最胜妙华鬘·伎乐涂香及伞盖

如是最胜庄严具·我以供养诸如来·最胜衣服最胜香·末香烧香与灯烛·一一皆如妙高聚·我悉供养诸如來·我以广大胜解心·深信一切三世佛

悉以普贤行愿力·普遍供养诸如来·我昔所造诸恶业·皆由无始贪嗔痴·从身语意之所生·一切我今皆忏悔·十方一切诸众生·二乘有学及无学

一切如来与菩萨.所有功德皆随喜.十方所有世间等.最初成就菩提者.我今一切皆劝请.转于无上妙法轮.诸佛若欲示涅槃.我悉至诚而劝请

唯愿久住刹尘劫.利乐一切诸众生.所有礼赞供养福.请佛住世转法轮.随喜忏悔诸善根.回向众生及佛道.愿将以此胜功德.回向无上真法界

性相佛法及僧伽.二谛融通三昧印.如是无量功德海.我今皆悉尽回向.所有众生身口意.见惑弹谤我法等.如是一切诸业障.悉皆消灭尽无余

念念智周与法界.广度众生皆不退.乃至虚空世界尽.众生及业烦恼尽.如是四法广无边.愿今回向亦如是

南無大行普贤菩萨.南無大行普贤菩萨.南無大行普贤菩萨